

洛陽爪哇
古代家族墓

洛陽北邙古代家族墓

(下卷)

与
卷
題

谢光林◎编著

中州古籍出版社

洛阳北邙古代家族墓


谢光林 编著

(下卷)

中州古籍出版社

郑州

三十九、唐崔弘载家族墓



(一) 处士崔弘载墓

墓址：今孟津县送庄镇左寨沟村附近。

依据：崔弘载墓志出土时地已佚。其志中云：“以元和十五年（820）十月廿七日，归祔于洛阳诸葛里之大莹。”唐代墓志文中云葬多有诸葛村名出现，仅有此志述葬诸葛里。考之，诸葛里当近诸葛村。有唐崔夫人刘婉墓志云葬“洛阳县清风乡诸葛村北原”，《时地记》载其志石 1925 年出土于今送庄镇左寨沟村。另有唐陇西李府君墓志云葬“洛阳县清风乡诸葛村芒山原”，《时地记》载该志石出土于今送庄镇营庄村东地（近左寨沟村处）。由上述二志出土获知，唐洛阳县诸葛村就在今左寨沟村附近，从中却又得知唐代洛阳县诸葛里即在左寨沟村附近不远处。

崔弘载墓志石高 40 厘米，宽 40.5 厘米。志文 21 行，满行 21 字。

(下录志文)



图 127 墓志局部

唐故崔处士墓志铭并序

幼弟相州刺史充本州防御使兼御史中丞弘礼撰

处士讳弘载，字弘载，博陵人也。宗系蝉联，历代辉焯。自后魏至我唐，官婚人物，首冠他族，载在史册，可得而详。曾祖预，皇监察御史。祖育，皇常州江阴县令。父孚，皇湖州长城县令。处士五常百行，根于天授，聪明博达，禀之自然。弱冠为文辈流宗，仰先以文进者谓科第，俯拾而取；处士以雕虫小艺趋竞角逐，耻而不为。乃耽道阅书，琴酒自贲，以名利为桎梏，视富贵如浮云，扁舟江湖，随意而适，遨游山水，兴止而归。卅年间，列郡诸侯，实瞻风度；京师有位，遐想披云。无何遘疾，贞元十四年五月，终于苏州嘉兴县，呜呼！遇与不遇，命也。圣贤由其病诸，若仲尼，孟轲，著书而已。其余藏蓄器用，与烟霏同尽者，可胜言乎？唯佩服仁义可为天爵，处士其天爵者与与夫区区世途，屑屑进取，夫何足数。幼弟弘礼夙承规诲，粗有禄位，以元和十五年十月廿七日，遣使自江淮远护灵举輿，归祔洛阳诸葛里之大茔，礼也。呜呼！尽哭无人，护丧无嗣，缅维霜露，空叹夜台。骨肉之悲，悲何可极，幼弟

为识，式昭行业。铭曰：

骨肉存歿兮痛极终天，归祔先茔兮孝敬存焉。唯清音兮不泯，与天地兮长然。

(墓志见图版四二五)

(二) 宿州长史崔璆墓

墓址：今孟津县送庄镇左寨沟村一带。

依据：崔璆乃崔弘礼之兄。崔弘礼志称“祔于先茔”，墓志出土于左寨沟村附近。崔璆志亦称“殡于先茔”，葬所应与其兄同。崔氏弟兄三人，弘载云葬诸葛里，弘礼、

廖二人云葬郭村北原，加之附近诸葛村，盖诸村为紧邻之故也？

（下录志文）

唐故宿州长史博陵崔君墓志铭并序

河阳节度巡官试太常寺协律郎敦煌张正谟撰上

长庆四年正月廿一日，前宿州长史博陵崔君终于河阳，享年七十二。先是支膝不宁，膏盲肇梦，我大夫公，君之季也，杖节河上，得迎至以侍疗。五药徒备，九医无功，丧我元昆，哀绝气悴。退命君之子彦素以二月十七日，奉殡于洛阳县之清风乡郭村之北原先莹礼也。正谟获尘，大夫之馆，猥承有命，俾论撰其芳懿而志之云：

君讳璆，字叔度，博陵人也。导源于炎皇，受封于齐姜，氏因命邑，世济其哲。洎琰辅魏室，瑗铭座右，冠轩晔煜，金枳玉润，灼若一氏，冠于四宗。故元魏之后，我斯为盛，历南北朝，迨于王家，才士差起，作时令问。曾王父预，皇监察御史、赠麟台丞，有清直著于代；王父育，皇常州江阴令，有行义茂于家；先府君孚，皇湖州长城令，而政德始大，终此下位，宜有达者，以充人心。

长史早笃行业，弥怀高尚，而友睦弟幼，勤善不倦。尝欲保和委顺，靡得终于厥心；随流取舍，官才至郡长史。岂命矣夫？宜我大夫公膺灵河嵩，与时藩宣，克荷重庆，以昭先德，君子谓是言也信。呜呼！长史君娶乐安蒋氏，生四子二女子。长曰彦素，次曰彦余，次曰彦甫，幼曰彦博。号奉灵輶，归事新封，陵迁谷变，犹存者非琢石焉何哉？呜呼！铭曰：

古河之南兮邛阜之阴（阳），列栢离离兮大隧深深。四尺之封兮九泉难寻，琢石以志曰宿州长史之荒岑。

长庆四年岁次甲辰二月辛巳朔十七日丁酉。

（墓志见图版四二六）

（三）东都留守检校尚书左仆射崔弘礼墓

墓址：今孟津县送庄镇左寨沟村附近。

依据：《时地记》载其墓志“民国十四年（1925），洛阳东北十六里左寨沟村出土。并出金壳铜镜一件、三彩十大件（即马、骆驼、武俑、镇墓兽）、马上人廿件，其余侍女俑、文吏俑、舞乐俑等；另有鸡、鸭、狗各一件，共百余件。志石出土后被本

村小孩毁坏卅余字。”

崔弘礼墓志石高93厘米，宽89厘米。志文40行，满行43字。盖题“唐故东都留守检校尚书左仆射赠司空崔公墓志”20字。石存千唐志斋。

(下录志文)

唐故东都留守东都畿汝州都防御使银青光禄大夫检校尚书左仆射判东都尚书省事兼御史大夫上柱国赠司空崔公墓志铭并序

中散大夫守尚书左丞柱国祁县开国子食邑五百户赐紫金鱼袋王璠撰

朝议郎尚书考功员外郎云骑尉扶风县开国男食邑三百户赐绯鱼袋权璩书

公讳弘礼，字从周，博陵人也。今圣嗣位之四载，诏公再厘东周。其年十二月十七日，以疾薨于位，皇上震悼，不视朝一日，命官就洛临吊，赠赙布帛，次又诏赠司空，儒者之宠数备矣。曾祖预，皇监察御史，赠麟台丞；祖育，皇常州江阴县令；烈考孚，皇湖州长城县令，累赠尚书户部侍郎；弈叶素风，及公而大。

公始以进士擢第，洎愚登秀才科，相远十五载，公始终之措履，官业之功行，愚闻甚略，而详于公之门人卢义高曰：享年六十五，历官廿八，解褐河南府文学，次从事灵州，表授太常寺协律郎，充观察判官，又授大理评事摄监察御史，赴辟东都为留守推官，寻奏正襄行，仍赐绯鱼袋，为防御判官，又历殿中侍御史，应召义成军作节度判官，后改职营田副使，带职转侍御史，后检校金部员外郎兼侍御史，充东都留守判官，从嘉招登宾席者前后四府，而皆肃给以干事，诚明以报知。又以高朗之韵，居群无疑；苞并之器，与众弥广；识者谓公总大权处高位其铈见矣。元和十一年，除忻州刺史。定襄之人，气俗尚武，不本树艺，岁多歉食。公教之农桑，下流歌咏。未一岁，义武军表授检校户部郎中兼侍御史，赐金章，充义武军节度副使。公念以河朔旧事，未可以驯致而变也，偷安受禄，非平王心。旋为太原所请，权知汾州。其政如忻州。十三年，改守棣州。州实临河，为朔北之射的也，无备不可以应卒，表陈其宜，论者或异。旋拜卫州，充本州防御使，次加侍御史，兼魏博节度副使，再加检校兵部郎中，俄改相州，兼中丞，充木州防御使。其牧相卫也，湔洗旧染，而纳诸轨度，人之向化，如草偃风。十五年秋，拜郑州，盖陟明也。州当孔道，东夏务殷，公应物通理，吏急人泰，厥声载路，号之为能。时故相国张公始镇蓟门，尝言曰：控于大邦，谁其共理？表请弭左貂兼宪丞为之副。未至，改拜绛州。时议以公七典州邦，四倅戎律，或干戈之地，或凋弊之俗，率能勤劳而就于化，宽厚而得其乐，徊翔淹泊，未陟朝序。长庆二祀，特迁河南尹兼大夫。公含其明，权其术，吏之欺谩者息心，事之小

大者在手，巩洛畏慕，于今称之。明年，拜河阳三城怀州节度使，仍检校左常侍兼宪长。斯镇也，咽喉河外，承卫洛师，惟兵士戎器为务之要。公日夜以教诲之，程度以淬炼之，一年而补亡，二年而大备，四方至者观而生粟。进加礼部尚书，以宠功也。大和初，除华州刺史、检校户部尚书兼大夫，充潼关防御镇国军使。未周星，遇故太尉乌公重胤薨于郾，时问罪沧海，兵戎方兴，郾当寇冲，安危是系，朝论以非公不可任，诏自华驰传节制东平，台省崇秩，命以仍旧。公推诚布恩，内抚外御。时太傅王公提兵于棣州，又资公以立勋也，而能以兵以食奔太傅之急，以威以略侵同捷之肌，寇用日蹙，公力居最。故左揆右揆叠至以就加，所以示畴庸也。贼平，除东都留守、畿汝州都防御使、判东都省事，进阶银青，检校兼官如故。昔周以君敕保厘东郊，而公功成罢节，复继斯任，搢绅之士，孰不瞻叹。中台八座，选用惟精；秋官五刑，轻重攸系。征为刑部尚书，以疾不赴京。旋以洛郊地重，求旧以委居守之职，由是再升。杨历益崇，人望逾至。天之不锡永年，而壮猷未竭，此其命耶？即以大和五年四月己巳二十八日丙申，葬于东都洛阳县郭村北邙原，祔于先茔也。

公尝论曰：人生一代，倏忽间耳，居富贵而以单贫自苦，是矫也；蒙爵禄不以患难为先，非夫也。故平生以志意感慨功业自负，心无细故，志好大节，侃侃然真丈夫之事也。公娶太原王氏，故兵部尚书绍之女，先公而逝。长女适河南丞皇甫弘，次三女德德、郑郑、迁迁。有子八人，长曰道士玄鉴，早慕至真，栖心尘外；次彦防，前陕州安邑主簿；次彦佐，前右卫仓曹参军；次彦辅、彦博、彦成、彦光、彦镇；咸似续前业，敦好儒素，居家有雍睦之称，行己守诗书之教。哀哀号叫，以奉先远。谓愚尝学旧史，托以纪前烈，述遗风。爰稽行实，编以成志。铭曰：

奕奕崔公，盛烈昭融，以文辅政，以武建功。往在元和，屡为从事，左右谋猷，宾主之美。剖符北地，暖若春阳，尹正东洛，肃若秋霜。于河之疆，于郾之方，总戎杖钺，韬略乃光。征思曳履，寄切保厘，人望则远，隙光已微。洪河不穷，白日不老，能久盛名，斯为寿考。邙原故岗，松楸初树，闕石篆文，记曰唐司空之墓。

（墓志见图版四二七）

（四）崔弘礼小女崔迁墓

墓址：今孟津县送庄镇左寨沟村。

依据：民国《洛阳县志》手稿“金石十三”载其墓志“民国廿四年（1935），左

寨沟村发见”。

崔迁墓志石高、宽均 39 厘米。志文 18 行，满行 18 字。石藏千唐志斋。

(下录志文)

唐故东都留守检校尚书左仆射赠司空博陵崔公小女墓志铭并序

公小女字迁，以大中元年八月五日遘疾，歿于河南洛阳县集贤坊之私舍，享年廿三。以其年九月十日殡于洛阳县清风乡之北原，祔于先茔也。曾祖讳育，皇常州江阴县令；祖讳孚，皇湖州长城县令、赠户部侍郎；父讳弘礼，有子八人，皆迁之兄，或随荫弟早立宦叙，或举进士，咸有令名；有女三人，皆迁之姊，长适河南府寿安县主簿谯郡夏侯斐，次适孟州河阴县丞赵郡季通微。迁生禀聪惠，幼而和淑，既及笄年，柔德克备。兄彦佐等克求门子，将欲配焉，果有进士范阳卢漪愿结婚好，未及纳采。呜呼！天实不假，而其人云亡，日月有期，兄彦佐等衔哀敛泣，请将仕郎前国子助教裴沆志铭贞石。词曰：

崔氏之室兮有女伦亡，令淑早夭兮幽兰殒霜。存歿一诀兮亲族悲伤，日月不再兮已矣闺房！

(墓志见图版四二八)

(五) 右卫仓曹参军崔彦佐夫人郑氏墓

墓址：今孟津县送庄镇左寨沟村。

依据：《时地记》载其墓志“民国廿五年（1936），洛阳东北十六里左寨沟村出土。并出三彩十件，均精”。

郑氏墓志石高、宽均 58 厘米。志文 23 行，满行 23 字。撰文者皇甫弘，为崔弘礼之大女婿。石存千唐志斋。

(下录志文)

唐右卫仓曹参军崔君夫人荥阳郑氏墓志铭并序

宣义郎守河南府河南县丞皇甫弘撰

呜呼！秦晋既匹，韶华方茂，谐如琴瑟，馥若菡兰，诚宜著代承家，贰于□□宗事。夫人荥阳郑氏，曾祖昭远，官至坊州刺史。坊州生皋，官至越州长史。越州生俭，

官至太子通事舍人。夫人即舍人之第二女也。外祖雅，清河崔氏，官至朔州鄆阳县令。浚源长派，代济其美，华族洪胄，士流所高。

夫人年始及笄，归于博陵崔君，纂组剪制之工，饗餼醴醕之事，勤敬聪达，肃恭明淑，四德不亏，六姻取则，至于首摇金翠，步节珩璜，宾祭之礼可观，窈窕之宜克举。及司空公寝瘵之日，夫人问安侍膳，妇道无违，饰去铅华，食绝荤茹，既居丧执礼，哀称其服。斯可以保福祥以肥家，处和柔以偕老，何昊天不惠，而种德生灾，寒暑成疾，膏肓为痼，以大和五年四月二日终于东都集贤里之私第，享年廿有一。秦医不及，楚魂难招，美玉无辉，灵珠晦色。和风转蕙，忽变其惊飙；迟日泛莲，遽惊乎过隙。以其年五月十七日殡于洛阳县清风乡之原，将祔皇姑，礼从周也。嗟乎！返虞致神，主奠无子，良人圣善，哀可既乎？仓曹追予维私之亲，以纪述见托，用刻贞石，有慚斯文。铭曰：

猗欵淑媛，俚兹国士，将顺柔和，宜绥福履。何桃李之遽凋，俾梧桐之半死，佳城有路兮兰室无光，鸾栖孤影兮龙抱长岗。伤夜台之永闭，悬陇月兮苍苍。

（墓志见图版四二九）

（六）滑州匡城县尉崔君故夫人刘琬墓

墓址：今孟津县送庄镇左寨沟村。

依据：《时地记》载其墓志“民国十四年（1925）冬，洛阳东北十六里左寨沟村出土”。

刘琬墓志石高33厘米，宽34厘米。志文20行，满行20字。石藏千唐志斋。

（下录志文）

唐滑州匡城县尉博陵崔君故夫人彭城刘氏墓志铭并序

乡贡进士崔陟撰

夫人讳琬，字茂贞，彭城人也。联华历代，标秀弈时，盛于枝源，芳流厥后。曾祖讳与顺宗庙讳同，皇晋阳县令、赠左散骑常侍；祖讳昌裔，皇左仆射、陈许等州节度使、赠太尉；父讳纵，皇陵州刺史；皆儒术传嗣，风烈光扬。夫人即陵州使君之女，博陵崔君之妻也。禀柔成性而美令仪，及作嫔君子，有沼沚之光华。以大中元年五月五日疾终于东都集贤里之私第，享年廿有三。呜呼！娥月寝曜，彩日沉辉。博陵君悼

追齐体，伤断女萝，惊叫愬于穹昊，哀恸连乎亲戚。以其年十月廿八日葬于洛阳县清风乡诸葛村之北原也。有子曰元，曰象，曰小象；女一人绝幼；皆呱呱号伤人。崔君以夫人门绪懿德，可纪贞石，命陟编序而为铭曰：

洵美灼灼，玉洁兰芳，天道不祐，人世不昌，形迁东洛，影晦北邙。北邙之陵兮陌连都邑，伊川之左兮烟树相望。云去巫峡兮暮雨随，剑别龙跃兮双无期。何去何来杳莫知，佳城永志今在斯。

(墓志见图版四三〇)

(七) 博陵崔彦温墓

墓址：今孟津县平乐镇大马村西、送庄镇左寨沟村东。

依据：《时地记》载其墓志“洛阳东北十七里大马村西（应西北岭）、左寨沟村东出土”。

崔彦温墓志石高、宽均36厘米。志文25行，满行24字。石存千唐志斋。

(下录志文)

唐故博陵崔府君墓志铭并序

兄朝议郎前行少府监丞上柱国彦佐撰

弟朝请郎前行河南府巩县丞彦冠书

君讳彦温，字德昌，博陵人也。宗系蝉联，历代辉煌，自后魏至我唐，官婚人物，首冠他族，载在史册，可得而详。曾祖育，宰江阴，有政，化及疲人。祖孚，皇湖州长城县令，赠官至户部侍郎。父弘礼，皇东都留守，检校尚书左仆射、赠司空。


君即司空第四子。在幼之年，聪晤颖秀；及冠之后，倜傥奇特。洎读书业文，流辈宗仰，而雅尚闲放，不慕薄宦。年俯廿，凤翔节度使陈公知之，奏授试卫佐，充节度推官，君谢而不就。每负凌云之气，常抗志思立大节，家有金帛，无所顾惜，悉与朋友共之，以轻财重义为事。由是数年间，寒徒壁立，人见之不堪其忧，而君怡怡然不改其乐，识者皆壮其志业，谓大位大权，爵禄荣显，可俯拾而取。无何遘疾，逾月而殁。时不我与，以大中十一年六月八日终于东都宣教里之第，春秋卅三。呜呼！遇与不遇，命也。自古圣贤由其病诸。有自僮孺□金花紫禄万锺而至于耆颐者何哉？而君操执行扬，藏书器用，有志未伸，一旦与烟蔼同尽，又何哉？呜呼！天极高而严尊，

叔不侔下，自古悲之者多矣，余何敢焉，凡在知识，为之出涕，况分形共气，夺其手足耶？冤愤填膺，号恸无诉，即以明年十月廿六日，葬于洛阳县清风乡之北原，祔先莹也。有子二人：长曰赓，次曰庠，皆谨厚习儒。赓茹荼泣血，力奉大事，予遂□京洒涕以志之。乃为铭曰：

天之于人，唯善是亲。君之操履，唯善唯仁。宜寿而夭，宜屈而神。已矣而去，命也何云？骨肉存歿兮痛极天伦，归祔先莹兮爰及吉辰。唯清音兮不泯，安玄堂兮永宁。

（墓志见图版四三一）

四十、唐卢翊家族墓



(一) 通议大夫鄂州刺史卢翊墓

墓址：今洛阳市北郊前李村，无冢。

依据：《时地记》载其墓志“洛阳北十里前李村出土”。

卢翊墓志石高、宽均 60 厘米。志文 29 行，满行 29 字。石存千唐志斋。

(下录志文)

唐故通议大夫鄂州刺史上柱国卢府君墓志铭并序

公讳翊，字子鸾，涿郡范阳人也。昔者赐履东海，分封北燕，开霸国之图，受大名之锡，卢氏得姓，厥惟旧哉。烈烈昌绪，绵绵远系，汉则尚书为之雄，晋则中郎豹其德，代济不陨，以洎于公。

公禀元和之精，擅人伦之英，资孝友而性与，兼文质而混成。藏用晦明，莫能量也。属则天皇后受图温洛，以门子预执边豆，因调选授杭州钱唐丞，入为右武卫仓曹左监门率府长史。澹乎出处之际，卓然政理之迹，迁御史台主簿。绳按之地，准裁攸归。寻以亲累授梁州城固令，理行尤异，拜太子文学加朝散大夫，转司议郎。宫朝得

人，于斯为盛。又以亲累出为滁州司马，复历泗，齐、汴三州，元察提纲；所居致理，緝是声惠，被于毗谣。朝廷黜之，故授以阶阔之任，迁右卫亲府右郎将。轩禁之重，夙夜惟寅。时开元十九年，主上以外台宣风，颇多缺政，精选良吏，以求人瘼，乃授鄂州刺史。轩车首路，江皋胥悦，盖以克昭惠和，而远闻风烈也。岁十月届于南阳，遽疾弥留，以十四日终于旅次，春秋六十二。南通北走，途路哀咽，不崇朝而闻于武昌，达于洛师矣。人吏濯焉，朋侪怒焉，仁人云亡，孰不嗟悼。邛州刺史君胤，即公王父之父；常州刺史幼孙，即公之王父；公盖黄门侍郎献之次子也。兼四科之美，继三代之风，在公竭忠，执丧加等，层敬而行简，修词以立诚。与人推多，处已惟约，大门闾以合族，弘训诱以肥家，有余则归之，不足则资之，九族六姻穆如也。士林朝列，以为美谈，信谓邦国之光，衣冠之准。而位不充量，道屈颓龄，岂命也夫！而不留愁，即以廿一年十月十六日，迁窆于河南府邛山之南原，从先令也。曩时以缙山莹域，无陪祔之所，因卜迁焉。东望先茔，南瞻天阙，盖邛山忠孝之志也。初公以弱冠见于父友吏部侍郎房公讳颖叔，有知人之鉴，眷深国士，以元女妻焉。夫人闲婉淑明，动遵礼度。生四子，曰嶷、昂、炅、晏等。祇服义训，咸有令名，哀迷蓼莪，匍匐窀穸，信臧氏之有后，知公业之不亡，命可赎乎？兹谓不朽。轩裳礼物，或备哀荣，青山白云，此焉终古。铭曰：

佐周建国，封燕得姓，继代传徽，蝉联叠映，允矣昌绪，久而逾盛。文茵畅毂，淑旗纓章，惟相惟祚，休有烈光。夫君挺生，克绍前绪，孝友天至，温恭性与，仁焉是託，义焉是处。宠禄来假，章黻有晖，谓华袞兮可袭，何襜褕之不归？滕公之室，言占其吉，于彼崇邛，龟谋允臧，永悠悠以终古，地久而天长。

（墓志见图版四三二）

（二）中大夫澧州刺史卢昂墓

墓址：今孟津县麻屯镇水泉村西北，无冢。

依据：《时地记》载其墓志“洛阳西北十六里水泉村西北出土”。志石现藏开封博物馆。

（下录志文）

唐故中大夫澧州刺史赐紫金鱼袋范阳卢府君墓志铭并序

孙朝散大夫守尚书工部郎中上柱国商撰

卢氏之先，自营丘启封，菜邑定氏，至秦博士敖，遂称燕人；汉侍中植，名著海内，学为儒宗，居涿郡，魏太祖表其地为先贤之乡。子毓为魏司空，孙珽、曾孙志、玄孙湛皆名重晋朝，为当代髦硕。湛曾孙玄，玄子度世，又以学行秀杰，光于元魏。度世有四子，渊、敏、昶、尚，皆克绍祖德，能嗣先业，始以人物为盛，次以官婚为最。自敏四世至常州刺史府君讳幼孙，常州生黄门侍郎府君讳献，黄门生鄂州刺史府君讳翊，鄂州生府君讳昂字子皋。世因时而浸远，德与门而弥光，始以明经解褐衣参陕州军事，三迁至鄠县令，自郎将谪邓州司马，以劳锡金紫贵阶，擢随州刺史，改澧州刺史。治四岁而盗息民阜，俗欣所戴。及符节受代，属时难俯定，国步犹梗，乃曰：扁舟溯沿，衡门偃傲，是吾之素志。及此遂因民留恋，故林宴息，宗谷神以养和，守儒行以立训。暑湿生厉，凶悲亟缠，以永泰元年六月十八日，倾背于郡之东郭别墅，享寿七十。夫人清河县君房氏，吏部侍郎颖□之孙，恒州刺史光庭之女。宝应二年九月终堂，春秋六十有二。兆归未吉，先寓殡于□杨县。及府君闵凶，遂即其地而权窆。冢嗣长，故河西县令；次广，河南县丞赠右司□□；别子一人，僧号守真。右司之孤工部郎中商，总角伶俜，禀庆先世，辛靡散秩，未□余生，运偶休明，得请营护，以大和三年岁次己酉冬十月廿六日，奉迁我王父王母合祔于河南县金谷乡焦古村礼也。

府君植性高朗，临事敏达，睦亲以仁，莅政以义，徇其志而不畏强御，激于衷而能蹈危难。资礼乐以立身，禀孝悌而成德。故门多疏属，室满群从。为潞之主吏，有从父弟尉于外邑，使酒掇患，将为州帅侵辱。府君发声抗词，感动观听，其帅遽申异礼，岂惮屈法。佐方州也，属京洛失守，盗南侵逼，府君驱率郡豪，感激义武，教以战阵，申其号令，且扞且守，隐如敌国。节度使鲁炅器其能，壮其志，请为戎倅，委以留事。及炅师覆汝坟，卒全樊邓，繫我之力，故遂有郡符金紫之宠。及问俗澧滨，天下新罹寇难，挟邪乐祸之党，犹婪婪其心，伺间窃发。有戍将与牙将交恶，白昼起叛。府君除恶务尽，尸谷口叛卒二百余人，自是澧水息波，荆蛮罢析。然后为均田闾，立阡陌，制婚冠，条丧葬，便俗约法，因人设禁。逮小子迎护之来，与尊门政成而去，岁逾五纪矣，黄发旧老，犹存咏歌，因采氓谣，获传祖德。呜呼！至人不耀，君子蹈常，必俟其时，方展其用。掾僚卑也，逢彼之怒，而能脱季于祸；郡佐散也，见危思致，由是夺虏之气。及剖符以莅，专城而视，宽以导民。峻以操吏，有怀凶德，尽歼厥类，斯可谓达孝悌、得权道矣。率是行之，非不器之谓欤？负其用而不跻其位，命也。铭曰：

儒为素，孝为常，宝慈俭，体循良。言顾行，行必方，成门户之耿光兮！其一。资

忠信，仕州县，躅高步，安卑掾，激于衷，气乃见，由急难以淬炼兮！其二。胡尘昏，寇锋逼，我乘輶，虜联北，倅戎旃，弭凶慝，临大节以报国兮！其三。剪谷口，清澧滨，留遗爱，传邦民，迹以古，事犹新，空余南楚兮播高芬。其四。

(墓志图版：缺)

(三) 河中少尹卢知宗、郑夫人夫妻墓

墓址：今孟津县麻屯镇水泉村西北一带，无冢。

依据：卢知宗墓志出土时地已佚。现据其志中述“葬河南县金谷乡焦古村从大茔”之句，与其曾祖卢昂、叔祖卢初二人云葬地点相同，其墓葬应同为一域。可见，水泉西北是为卢氏大茔。

(下录二志志文)

唐故河中少尹范阳卢府君墓志铭并序

季弟朝议郎前守河南少尹上柱国赐绯鱼袋莒撰并书

兄讳知宗，字弘嗣。吾家范阳涿人，炽于二汉，推为华族，轩冕焜曜，茂于皇家，世绪益昌，踵后德于，先考相国，圣政历试，推以代工，树置门阀，辉焕图谍，及莒弟兄，奄丁殃罚，不敢毁灭，视息苟延，思以负荷非轻，扬显至重，复履簪屨。兄肥家志切，敬慎不回，清白自持，指期变化。曾门犯文宗庙讳，皇澧州刺史，赠兵部尚书；大门讳广，皇河南府河南县丞，赠司空；先考相国讳商，皇户部尚书，赠太尉。兄祇奉训导，夙为成人，洎童年六籍该识，再诣宗伯，俄举通经，将造文场，旋就常调，意在谦退，薄于宦名。洎兰陵公邺总司邦计，辟兄为计巡，素仰洁廉，奉公立事，历边鄙，覆军储，果以精专无私为边人所伏。时河东公相国瑒镇抚北门，礼遇极厚。河东公不逾年，征急判计，邀兄为计推，拜章转殿内，辈流攀仰，伫归粉闱，属变罢，困居桂王，俯授殿中丞，不遇时，除少鸿胥。醴使王公铎以夙旧闻其淹滞，慰荐于时，相迁少廷尉。兄动静一贯，声华四驰，家食数年，出典隰郡，州人咸歌其来暮，仁风长在，不幸染微恙，旋授蒲亚，属意外祸，故仁孝所鍾，不能遣情，沉疴日甚。呜呼！苍苍难问，神道无征，竟以咸通十五年正月廿九日弃世于官舍，享年五十九。不居清切，不致鸿名，徒望荣华，常安困滞，光阴遽掷，遭遇竟无，报施何凭，庆善虚载。兄前娶荥阳郑夫人，即相国太子少师赠司空谥德朗之女也。夙著贤淑，来承我家，方

奉蒸尝，奄遘祸衅。有子三人，骨气异常，卅岁皆继谢于家；女一人，婉顺孝敬，亲爱共美，配于乡贡进士李承务。天乎不仁，兄遘疾，因闻此女告归于陇西氏封域。兄平生守道，禀奉素风，止及中年，是无照鉴。今夫人即荥阳夫人堂妹也。礼乐贤行，克绍家风，奉上接下，推为贤嫂。兄罢秩跼于辇毂，往往食不充口，夫人未尝形于言容。有子一人，器貌特异，早婴沉痾，其年春杪，竟不起所疾。痛愤中又罹此悲，故奈何。别子两人：曰郭九，次曰同四，聪悟天假，夙为成人，皆今夫人训导所致也。夫人中外相映，辉华相照。夫人先考讳颢，太常少卿；大父讳珣瑜，吏部尚书、平章事、赠太师、谥文献；曾大父讳谅，赠司徒；轩冕德业，焜耀搢绅。外祖讳植，相国、华州刺史、赠太尉、谥敬。夫人内外华显，士林无比，著在国史，诂假繁文。矧大中初年，已刊于贞石，郭九已下，号血向菟曰：虑陵谷是虞，愿陈懿行。菟忤犯殃衅，偶存余生，情不获已，莫愧菲薄，湿笔抽毫，抑情略纪，但载践历，岂备徽猷焉。呜呼！日月遄迈，龟筮叶吉，即以四月廿一日诸孤奉帷辖于河南府河南县金谷乡焦古村、合祔于前夫人从大莹礼也。铭曰：

开闾晦明，孰留朕迹，懿德深仁，同归冥默，幽赞无信，苍苍难测。呜呼！名何不彰，寿何不长，惟天为大，赋命难量。既有甄别，合露贤良，俄奄于世，緘恨于邙。白日西谢，逝水东流，去既寂寂，事亦悠悠，永怀冤愤，冀望垂休。

韦敏镌字。

（墓志图版：缺）

唐故荥阳郑夫人墓志铭并序

给事郎守国子监国子助教卢知宗撰并书

夫人知宗室也，姓郑氏，字子章，今刑部尚书荥阳公之次女也。公名朗，太夫人范阳卢氏范阳郡君。知宗从祖姑也。故泽州刺史项，是夫人外王父。夫人曾大父讳谅，皇朝任魏郡冠氏主簿，赠右仆射；王父讳珣瑜，皇朝吏部尚书、同中书门下平章事、赠太师；弈世光明，夹辅皇室，族望冠冕，揭如昆嵩，维姬与姜，实曰卢郑，历二千祀，代为婚姻。

夫人柔德克明，玉坚兰茂，生十有四年，荥阳公及余姑乃谋正衣花，奉我斋祭。愚时参京兆府军事。夫人行高图史，言合典经，法度德容。出于天假。况内外华族，生长侯门。必能柔顺谦光，降心及物，对绮罗珠玉，不忘浣濯之衣；奉蠲洁恭勤，克被频繁之礼。本为令女，今号贤妻，诚则□晋是宜，愚多愧色。自纳币洎于今十年矣，生子三人，女二人。长曰小夏；次曰震儿，不幸后夫人之丧十有九日夭失；次曰继儿。女曰上客。大中七年十月二十五日育上客之妹，未名，浹月遘病。荥阳公以名德司邦

计，望冠公卿，天下良砭善药，靡不毕致。公昼夜视病于知宗氏。公属念弥切，复见医甚臻而疹益固，化夫人宅心于空门，号曰悟玄，望滋景福矣。又至于卜筮祈祷，虽愚之伯氏季氏洎于族姻怡隶，奔走于九达之衢以求之，骆驿相属，矧愚之躬哉！天乎天乎！愚之不淑，而夫人之不寿也。夙心未展，幽赞遽乖，岂料仁贤，奄先风烛。其年岁在癸酉十二月二十四日，终于上都长兴里第，享年二十三。自始疾至于候息，神魄严整，不殊平生。明年正月二十四日己酉，知宗载夫人丧东归。二月五日至于洛师。二十九日克葬于河南县金谷乡焦古村，祔于大茔之东北一百八十四步。呜呼！世以婴孺之无恃也，必曰傅母保之，不若继之之慈也。而自中古已来，天下人之子酷于继者日有之，而未闻酷于乳母矣。知宗始过二毛，既切潘生之悼；永思同穴，敢忘诗人之言。夫人之将瞑也，知宗实酹于前，泣以自誓，夫人闻之矣。夫人德门懿范，及愚家世，翊赞圣明，盖国有史家有谍，故吞哀搦管，其能尽文，遂铭于埏曰：

凤翼孤兮皇影沉，常娥西堕玄泉深。杳然光景不可寻，瑶瑟弦绝无和音。临穴呼天隳人心，愚狂魂断藏衣衾。涕横交颐情不禁，十年松柏长森森。

（墓志图版：缺）

（四）滑州司法参军卢初墓

墓址：今孟津县麻屯镇水泉村西北，无冢。

依据：《时地记》载其墓志“洛阳西北十六里水泉村西北出土”。

卢初墓志石高、宽均46厘米。志文27行，满行27字。石藏千唐志斋。

（下录志文）

唐故滑州司法参军范阳卢君墓志铭并序

范阳卢初，字子端，皇唐黄门侍郎献府君之曾孙，鄂州刺史翊府君之孙，殿中进马晏府君之子，刑部侍郎荥阳郑少微之外孙也。高门令子能厥训，由是姑臧公揆以其子妻之，内外甲族，官婚具美。始以门荫历荆州参军事、滑州司法参军。大历乙卯岁，携家请急至楚之山阳，以姑臧公揆时寓此邦，实来之故也。以其年七月寝疾而歿，寿四十四。自寝疾逮乎归全，叔父临视，同生在旁，懿亲密戚，罔不咸萃。故其疾也救无不至，其终也礼靡不周，生荣死哀，人事备矣。所不可延者殆非其冥数欤？君生于华地，少有端操，机神外朗，和气内充，周旋进退，抑有常度。德可以享黄耆，而命